

Član 18.**(Dodjela sredstava – Ostali grantovi – povrat i drugo)**

Sredstva utvrđena u Budžetu Unsko-sanskog kantona za 2019. godinu u razdjelu 20, na poziciji Tekući grantovi: Ostali grantovi – povrat i drugo doznačuju se fizičkim i pravnim licima nakon donošenja rješenja Ministarstva u postupku po zahtjevu stranke/uplatioca u skladu sa Pravilnikom o procedurama za povrat i prekjriženje više ili pogrešno uplaćenih javnih prihoda sa Jedinstvenog računa Trezora Unsko-sanskog kantona („Službeni glasnik Unsko-sanskog kantona“, broj: 20/17).

Član 19.**(Nadzor i kontrola nad utroškom sredstava)**

(1) Kontrolu namjenskog korištenja sredstava vršit će ovo Ministarstvo i budžetska inspekcija Kantona po zahtjevu nosioca budžetskih sredstava, Vlade Unsko-sanskog kantona ili u okviru svog redovnog inspekcijskog nadzora, te druge nadležne inspekcije, svaka u okviru svojih ovlaštenja.

(2) Ministarstvo zadržava pravo da korisnicima sredstava za koje utvrdi da nisu ispoštivali utvrđene obaveze obustavi dalju dodjelu sredstava i traži povrat cijelokupnog iznosa dodijeljenih sredstava sa sporednim potraživanjima i zateznim kamatama u visini zakonom propisanih, kao i da odbije njegov zahtjev za dodjelu sredstava u narednoj godini.

Član 20.**(Način realizacije)**

Sredstva planirana Budžetom Unsko-sanskog kantona koja se dodjeljuju putem Ministarstva poljoprivrede, vodoprivrede i šumarstva, a koja su predmet ove Odluke, realiziraju se prema programu utroška sredstava koji donosi Vlada na prijedlog Ministarstva.

Član 21.**(Stupanje na snagu)**

Ova Odluka stupa na snagu danom donošenja i objavit će se u „Službenom glasniku Unsko-sanskog kantona“.

Broj: 03-017-832/2019

09. septembar 2019. godine

B i h a č

PREMIJER KANTONA

mr.sci. Mustafa Ružnić

|||||
852.

Na osnovu člana 16. i 18. Zakona o Vladi Unsko-sanskog kantona („Službeni glasnik Unsko-sanskog kantona“, broj: 5/08), člana 36. stav 1. Zakona o izvršavanju Budžeta Unsko-sanskog kantona („Službeni glasnik Unsko-sanskog kantona“, broj: 4/19 i 12/19) i člana 89. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službeni glasnik Unsko-sanskog kantona“, broj: 5/00, 7/01, 11/14 i 23/18), Vlada Unsko-sanskog kantona, na sjednici održanoj 18. 09. 2019. godine, d o n o s i

**O D L U K U
o kriterijima i postupku dodjele sredstava za
finansiranje/sufinansiranje projekata,
programa i aktivnosti udruženja socijalnog i
humanitarnog karaktera iz Budžeta Unsko-
sanskog kantona za 2019. godinu**

Član 1.**(Predmet)**

Ovom Odlukom utvrđuju se kriteriji za finansiranje/sufinansiranje projekata, programa i aktivnosti udruženja socijalnog i humanitarnog karaktera iz Budžeta Unsko-sanskog kantona (u dalnjem tekstu: Budžet), javni poziv, način podnošenja zahtjeva za dodjelu sredstava, način doznačavanja sredstava, način izvještavanja o namjenskom utrošku sredstava i nadzor nad utroškom sredstava.

Član 2.**(Korisnici sredstava)**

Korisnici sredstava po ovoj Odluci su udruženja koja apliciraju za sredstva iz Budžeta u svrhu finansiranja/sufinansiranja projekata,

programa i aktivnosti socijalog i humanitarnog značaja, a koji su od interesa za građane Unsko-sanskog kantona ili doprinose razvoju i afirmaciji Unsko-sanskog kantona i provode se na području Kantona.

Član 3. (Nositelj budžetskih sredstava)

Nositelj budžetskih sredstava u Budžetu koji planira finansiranje/sufinansiranje projekata, programa i aktivnosti udruženja je Ministarstvo zdravstva, rada i socijalna politike (u dalnjem tekstu: Ministarstvo).

Član 4. (Opći kriteriji)

(1) Kriteriji za raspodjelu sredstava su:

- a) da je udruženje registrovano kod nadležnog kantonalnog organa;
- b) da se radi o udruženju koje ima kapacitete da provede projekat, program ili aktivnosti;
- c) ekonomski ili društvena opravdanost projekata, programa i aktivnosti udruženja.

(2) Primaoci finansijske podrške za realizaciju projekata, programa i aktivnosti koji nisu dostavili ili su dostavili nepotpun izvještaj o utrošku sredstava za projekte, programe i aktivnosti udruženja za koji su imali u prethodnom periodu odobrena budžetska sredstva, odnosno za koje se utvrdi da su sredstva utrošili nemamjenski, ne mogu biti prihvaćeni za finansiranje za narednu godinu.

Član 5. (Posebni kriteriji)

Prilikom ocjene zahtjeva, cijenit će se posebni kriteriji koji se odnose na:

- a) Zaštita prava i podrška djece i mladih, podrška obitelji i starijim osobama:
 - Jačanje roditeljskih kompetencija;
 - Jačanje kapaciteta jednoroditeljskih porodica i podrška jednoroditeljskim porodicama;
 - Podrška razvoju hraniteljstva;
 - Priprema mladih za izlazak iz ustanova i program podrške mladima;

- Razvoj kompetencija pružatelja socijalnih usluga za djecu i mlade bez odgovarajućeg roditeljskog staranja;
 - Razvoj kompetencija pružatelja usluga za starije osobe;
 - Poboljšanje kvalitete života i brige za starije (organizacija slobodnog vremena, pomoć u kući i slično);
 - Savjetovalište, psihosocijalna pomoć i integracija u život zajednice ranjivih kategorija;
 - Edukacije, analiza i praćenje stanja na području zaštite prava djece i mladih, podrške porodici i starijim osobama, te žrtvama nasilja;
 - Aktivnosti u vezi s brigom o djeci u sukobu sa zakonom, te djeci koja prose na ulicama, kao i aktivnosti u vezi s promocijom Konvencije o pravima djeteta;
 - Unapređenje zdravlja i kvalitete života ranjivih skupina: djece, mladih, osoba s invaliditetom (djece i osoba starijih od 65 godina).
- b) Analiza, praćenje i smanjenje siromaštva i socijalne isključenosti, podrška beskućnicima, osobama u stanju socijalne potrebe i marginaliziranim skupinama:
- Pomoć osobama u stanju socijalne potrebe i porodicama;
 - Poticanje razvoja usluga alternativnog smještaja i socijalnog uključivanja beskućnika;
 - Poticanje zapošljavanja osoba s većim rizikom od socijalne isključenosti (osobe u sistemu socijalne skrbi, mladi bez roditeljske brige i sl.).

Član 6. (Dokumentacija)

(1) Dokumentacija koja se treba dostaviti prilikom prijavljivanja za finansiranja / sufinsiranja projekata, programa i aktivnosti udruženja:

- a) Popunjeno obrazac prijave za finansiranje /sufinansiranje projekata, programa i aktivnosti udruženja, koji sadrži: naziv projekta, programa ili aktivnosti, obrazloženje ekonomske ili društvene opravdanosti projekata, programa i aktivnosti (opis problema/potreba, ciljeve i ciljne grupe), pregled kapaciteta za provođenje projekta, programa ili aktivnosti (oprema, prostor i osoblje), ukupan iznos sredstava potrebnih za finansiranje projekata, programa i aktivnosti, očekivani iznos sredstava iz Budžeta Unsko-sanskog kantona, te procenat od očekivanog iznosa sredstava koji bi bio utrošen na rad udruženja;
- b) rješenje o registraciji;
- c) zapisnik sa posljednje održane skupštine udruženja;
- d) uvjerenje o poreskoj registraciji - identifikacioni broj;
- e) uvjerenje o izmirenim poreskim obavezama;
- f) uvjerenje o izmirenim porezima i doprinosima za zaposlenike (ukoliko ima zaposlenika);
- g) bilans stanja i bilans uspjeha ovjereni od strane Finansijsko-informatičke agencije za prethodnu godinu.

(2) Udruženje koje nema uposlenih i neizmirenih obaveza može dostaviti ovjerenu izjavu kod nadležnog organa da nema uposlenih i neizmirenih obaveza kojom to potvrđuje.

(3) Udruženja koja su registrovana u prethodnoj godini i nisu dobili sredstva za finansiranje/ sufinsiranje projekata, programa i aktivnosti udruženja, nisu dužna da dostave izvještaj o urednom finansijskom poslovanju (bilans stanja i bilans uspjeha).

Član 7.

(Odluka o raspisivanju javnog poziva)

Za dodjelu sredstava iz budžeta, za finansiranje/sufinansiranje projekata, programa i aktivnosti udruženja, ministar Ministarstva zdravstva, rada i socijalne politike (u daljem tekstu: ministar) donosi odluku o raspisivanju javnog poziva, u kojoj će biti naveden ukupan iznos sredstava koji će biti dodijeljen po javnom pozivu.

Član 8. (Javni poziv)

(1) Ministarstvo svake godine, nakon usvajanja budžeta za tekuću godinu, raspisuje javni poziv za raspodjelu sredstava za finansiranje/sufinansiranje projekata, programa i aktivnosti udruženja.

(2) Javni poziv se objavljuje na internet stranici Vlade Unsko-sanskog kantona.

Član 9. (Formiranje Komisije)

Ministar će imenovati Komisiju za ocjenjivanje projekata, programa i aktivnosti udruženja (u daljem tekstu: Komisija), koju će činiti 3 člana.

Član 10. (Zahtjev za dodjelu sredstava)

(1) Korisnici sredstava dostavljaju Ministarstvu zahtjev za dodjelu sredstava sa dokazima o ispunjenosti propisanih općih i posebnih kriterija utvrđenih ovom Odlukom.

(2) Zahtjevi za finansiranje podnose se na Obrascu za finansiranje/sufinansiranje iz Budžeta Unsko-sanskog kantona projekata, programa i aktivnosti udruženja.

Član 11. (Rok i način podnošenja zahtjeva za dodjelu sredstava)

(1) Rok za podnošenje zahtjeva za dodjelu sredstava je osam dana od dana objave javnog poziva.

(2) Zahtjevi za dodjelu sredstava se podnose u zatvorenoj koverti na protokol Ministarstva ili poštom na adresu Ministarstva, sa naznakom „Prijava na Javni poziv od _____ godine - ne otvaraj“.

Član 12. (Neblagovremeni i nepotpuni zahtjevi)

(1) Neblagovremene zahtjeve komisija neće uzeti u razmatranje i vratit će ih podnosiocu neotvorene.

(2) Nepotpune zahtjeve komisija će odbaciti i o tome obavijestiti podnosioca.

Član 13.
(Zadatak Komisije)

Komisija će u roku određenom rješenjem, obaviti slijedeće poslove:

- a) donijeti poslovnik o radu,
- b) izvršiti provjeru ispunjenosti kriterija,
- c) izvršiti procjenu projekata, programa i aktivnosti udruženja,
- d) sačiniti listu udruženja koje ispunjavaju kriterije, sa prijedlogom pojedinačnih iznosa novčanih sredstava za dodjelu,
- e) sačiniti listu udruženja koje neispunjavaju kriterije,
- f) liste iz tačke d) i e) dostaviti ministru.

Član 14.
(Prijedlog liste)

U prijedlogu liste, komisija će, pored prijedloga pojedinačnih iznosa, utvrditi i obavezu da sredstva moraju iskoristiti za realizaciju projekata, programa i aktivnosti udruženja.

Član 15.
(Prigovor)

Udruženja imaju pravo podnošenja prigovora ministru na odluku komisije o odbacivanju ili odbijanju zahtjeva u roku od tri dana od dana prijema obavještenja.

Član 16.
(Konačan prijedlog liste)

Konačan prijedlog liste utvrđuje ministar i predlaže Vladi Unsko-sanskog kantona način raspodjele sredstava.

Član 17.
(Doznačavanje sredstava)

Doznačavanje odobrenih sredstava udruženjima vršit će se u skladu sa sredstvima utvrđenim u Budžetu Unsko-sanskog kantona za 2019. godinu.

Član 18.
(Izvještaj o namjenskom utrošku sredstava)

(1) Korisnici sredstava iz ove Odluke dužni su na propisanom obrascu, Ministarstvu dostaviti izvještaj o namjenskom utrošku sredstava doznačenih iz Budžeta, a najkasnije do 31.12. tekuće budžetske godine.

(2) Uz obrazac izvještaja prilaže se dokazi na temelju kojih se može utvrditi na koju aktivnost se odnose, te kada su sredstva utrošena, i to:

- račun sa fiskalnim računom,
- izvod sa bankovnog računa kao dokaz o plaćanju za definisane namjene sredstava,
- dokaz o izvršenoj uplati-uplatnica.

(3) Dokazi koji se prilaže uz obrazac izvještaja mogu se dostavljati u fotokopiji, ali Ministarstvo može tražiti uvid u orginalni primjerak.

(4) Ministarstvo će Izvještaj o utrošenim sredstvima dostaviti Vladi Unsko-sanskog kantona na razmatranje i usvajanje.

Član 19.
(Omjer utrošenih sredstava)

(1) Korisnici sredstava dužni su odobrena sredstva iskoristiti u određenom omjeru, i to:

- a) minimalno 85% odobrenih sredstava za projekte, programe i aktivnosti udruženja;
- b) maksimalno do 15% odobrenih sredstava za rad udruženja.

(2) Pod radom udruženja podrazumijevaju se svi oni troškovi koji nisu dio projekata, programa i aktivnosti udruženja, a u koje spadaju:

- režijski troškovi (električna energija, grijanje, voda, telefon, internet i zakupnina prostora);
- materijalni troškovi (kancelarijski materijal, izrada brošura i letaka, nabavka kompjutera, printera i tonera i sl.);
- troškovi uposlenika udruženja (plata i doprinosi), odnosno druge naknade angažovanim licima.

Član 20.
(Nadzor nad utroškom sredstava)

(1) Redovan nadzor nad utroškom sredstava vrši Ministarstvo i budžetska inspekcija Kantona po zahtjevu nosioca

budžetskih sredstava, Vlade Unsko-sanskog kantona ili u okviru svojih redovnih inspekcijskih nadzora nad utroškom budžetskih sredstava.

(2) Ministarstvo zadržava pravo da korisnicima sredstava za koje se utvrđi da nisu ispoštivali utvrđene obaveze, obustavi dalje finansiranje/sufinansiranje odobrenih projekata, programa i aktivnosti udruženja, te traži da korisnik sredstava izvrši povrat utrošenih sredstava, kao i da ne prihvati finansiranje /sufinansiranje programa i rada tog udruženja za narednu godinu.

Član 21. (Obrasci)

Sastavni dio ove Odluke čine prijavni obrazac za finansiranje projekta, programa ili aktivnosti udruženja iz Budžeta Unsko-sanskog kantona za 2019. godinu (Obrazac 1.) i izvještaj o utrošenim sredstvima za finansiranje projekta, programa ili aktivnosti udruženja iz Budžeta Unsko-sanskog kantona za 2019. godinu (Obrazac 2.).

Član 22. (Stupanje na snagu)

Ova Odluka stupa na snagu osmog dana od dana objavljivanja u „Službenom glasniku Unsko-sanskog kantona“.

Broj: 03-017-891/2019
18. septembar 2019. godine

B i h a c

PREMIJER KANTONA
mr.sci. Mustafa Ružnić

Naziv podnosioca zahtjeva

(sjedište) (ulica i broj) (općina) (E-mail)

Kontakt osoba: tel. mob.

Ovlaštena osoba: tel. mob.

Organiziranost i broj članova udruženja

Specifičnost potreba članova udruženja

**Prijavni obrazac za finansiranje projekta, programa ili aktivnosti udruženja
iz Budžeta Unsko-sanskog kantona za 2019. godinu**

Prijedlog projekta, programa ili aktivnosti udruženja (naziv projekta, programa ili aktivnosti):

Navesti opis problema/potreba, ciljeve, ciljne grupe i osoblje programa (detaljnije navesti ekonomsku ili društvenu opravdanost programa)

Pregled kapaciteta za provođenje projekta, programa ili aktivnosti

Da li se program finansira iz drugih izvora, te ukoliko se finansira navesti iz kojih izvora i u kojem iznosu.

Navesti ukupni iznos vrijednosti projekta, programa ili aktivnosti udruženja: KM

Očekivani iznos sredstava iz Budžeta Unsko-sanskog kantona KM

Navesti procenat od očekivanog iznosa sredstava koji će biti utrošen na rad udruženja¹

Uz ovaj obrazac (popunjeno, potpisano i ovjeren) prilažem slijedeće dokumente:

1. rješenje o registraciji;
2. zapisnik sa posljednje održane skupštine udruženja;
3. uvjerenje o poreskoj registraciji - identifikacioni broj;
4. uvjerenje o izmirenim poreskim obavezama;
5. uvjerenje o izmirenim porezima i doprinosima za zaposlenike (ukoliko ima zaposlenika);
6. bilans stanja i bilans uspjeha ovjereni od strane FIA za prethodnu godinu;
7. finansijski izvještaj o utrošku sredstava za finansiranje/sufinansiranje programa i rada udruženja u prethodnoj godini (osim ukoliko nisu finansirani u protekloj godini iz Budžeta USK ili su registrovani u prošloj godini);
8. tačan naziv banke i podaci o transakcijskom računu.

Datum.....

M.P.

.....

Ovlaštena osoba podnosioca zahtjeva

¹Sredstva se koriste u omjeru od minimalno 85 %za programe udruženja, odnosno maksimalno do 15% sredstava za rad udruženja.

(Obrazac 2.)

Naziv podnosioca zahtjeva

(sjedište)

(ulica i broj)

(općina)

(E-mail)

Kontakt osoba: tel. mob.

Ovlaštena osoba: tel. mob.

**Izvještaj
o utrošenim sredstvima za finansiranje projekta, programa ili aktivnosti udruženja
iz Budžeta Unsko-sanskog kantona za 2019. godinu**

1. Dodjeljena sredstva su u iznosu od :

KM

2. Dodjeljena finansijska sredstva bila su operativna dana :

3. Opis projekta, programa ili aktivnosti udruženja

Opisprojekta, programa ili aktivnosti udruženja	Iznos sredstava (KM)	Drugi izvori
Ukupno:		

4. Kratak opis realizacije projekta / šire obrazloženje može se dostaviti i kao prilog uz ovaj izvještaj / :

5. Dokazi¹ koji se dostavljaju uz izvještaj

- račun sa fiskalnim računom,
- izvod sa bankovnog računa kao dokaz o plaćanju za definisane namjene sredstava,
- dokaz o izvršenoj uplati-uplatnica.

Račun br.	Datum	Iznos sredstava (KM)
Ukupno:		

Izvještaj sačinio :

Korisnik sredstava
(odgovorna osoba)

_____ MP

_____ Potpis

¹Dokazi koji se prilažu uz obrazac izvještaja mogu se dostavljati u fotokopiji, ali Ministarstvo može tražiti uvid u orginalni primjerak.